

Ո Ր Ո Շ ՈՒ Մ
ԿԱՏԱՐՈՂԱԿԱՆ ՎԱՐՈՅԹԸ ԿԱՍԵՑՆԵԼՈՒ ՄԱՍԻՆ

26.10.2021թ.

ք. Երևան

Հարկադիր կատարումն ապահովող ծառայության /այսուհետ՝ Ծառայություն/ Երևան քաղաքի Ավան, Նոր Նորք և Քանաքեռ-Զեյթուն վարչական շրջանների բաժնի ավագ հարկադիր կատարող, արդարադատության ավագ լեյտենանտ՝ Արմենուհի Մելքոնյանս ուսումնասիրելով թիվ 07548142 կատարողական վարույթի նյութերը՝

Պ Ա Ր Զ Ե Ց Ի

ՀՀ Երևան քաղաքի առաջին ատյանի ընդհանուր իրավասության դատարանի կողմից 29.04.2021թ. տրված թիվ ԵԴ/28137/02/20 կատարողական թերթի համաձայն պետք է Նաիրա Լևոնի Սարգսյանից և Արմեն Գնեյի Մինասյանից «Ակբա բանկ» ԲԲԸ-ի օգտին բռնագանձել 662.444 ՀՀ դրամ և վճռով հաշվարկվող տոկոսները:

Պարտապանից բռնագանձել նաև բռնագանձման ենթակա գումարի 5%-ը, որպես կատարողական գործողությունների կատարման ծախսի գումար:

Կատարողական գործողությունների կատարման ընթացքում պարտապանին պատկանող «ՄՈԳՈ» ՈւՎԿ ՓԲԸ-ում գրավադրված BMW 325 XI մակնիշի 07 AM 090 ավտոմեքենան փորձագետի թիվ Գ/Վ-ԺԴ16 եզրակացությամբ գնահատվել է 1.700.000 ՀՀ դրամ:

26.10.2021թ. պահանջատիրոջ կողմից մուտքագրվել է գրություն համաձայն որի թիվ ԵԴ/28137/02/20 կատարողական թերթով պարտքը 25.10.2021թ. դրությամբ կազմում է 1.000.150 ՀՀ դրամ: Կատարողական գործողությունների կատարման ընթացքում պարզվել է, որ պարտապանի անվամբ պահանջատեր «Ակբա բանկ» ԲԲԸ-ի նկատմամբ Ծառայությունում առկա են հարուցված բռնագանձման բնույթի այլ կատարողական վարույթներ:

Կատարողական վարույթով բռնագանձման վերաբերյալ վճռի կատարման ընթացքում պարտապան Արմեն Գնեյի Մինասյանի ողջ գույքի նկատմամբ բռնագանձում տարածելու պարագայում պարզվել է, որ այդ գույքը օրենքով սահմանված նվազագույն աշխատավարձի երկուհազարապատիկի և ավել չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար և պարտապանին պատկանող այլ գույք և դրամական միջոցներ չեն հայտնաբերվել, որոնց վրա կարելի է բռնագանձում տարածել:

Վերոգրյալի հիման վրա և ղեկավարվելով «Սնանկության մասին» ՀՀ օրենքի 6-րդ հոդվածի 2-րդ մասով, «Դատական ակտերի հարկադիր կատարման մասին» ՀՀ օրենքի 28.1, 28 հոդվածներով և 37-րդ հոդվածի 8-րդ կետով.

Ո Ր Ո Շ Ե Ց Ի

Կասեցնել թիվ 07548142 կատարողական վարույթը 90-օրյա ժամկետով:

Առաջարկել պահանջատիրոջը և պարտապանին նրանցից որևէ մեկի նախաձեռնությամբ 90-օրյա ժամկետում սնանկության հայց ներկայացնել դատարան:

Սույն որոշումը երկու աշխատանքային օրվա ընթացքում հրապարակել www.azdarar.am ինտերնետային կայքում:

Որոշման պատճենն ուղարկել կողմերին.

Հարկադիր կատարողի կայացրած որոշումը կարող է բողոքարկվել վերադատության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված ժամկետներում:

Ավագ հարկադիր կատարող,

Արդարադատության ավագ լեյտենանտ

Ա.Մելքոնյան